

Cu apertura di Aruba Investment Agency

Gobierno ta kita red tape pa trece mas inversionista pa Aruba



ORANJESTAD – Ayera den oran-
an di atardi a tuma luga aper-
tura oficial di Aruba Investment
Agency, ARINA, situa unda antes
tabata Museo Numismatico net

pariba di Arubus. Akinan varios
dignatario, entre nan Minister
di Asuntonan Economico, Sra.
Michelle Hooyboer Winklaar y
Minister di Finanzas, ing. Mike de

Meza, tabata t'ey presente pa
asina haci acto di cortamento di
cinta. E meta di e Aruba Invest-
ment Agency ta pa centralisa
informacion y yudansa na tur in-

versionista cu ke bin establece
na Aruba, diversificando asina
nos economia mas tanto.

Sigui lesa pagina 12

Apertura oficial di Arina ta un comienso nobo den mundo di inversion local

ORANJESTAD – Ayera den oranan di atardi, net durante bahada di solo a tuma luga apertura oficial di Aruba Investment Agency, ARINA, situa unda antes tabata Museo Numismatico net pariba di Arubus. Akinan varios dignatario, entre nan Minister di Asuntonan Economico, Sra. Michelle Hooyboer

Winklaar y Minister di Finanzas, ing. Mike de Meza, tabata t'ey presente pa asina haci acto di cortamento di cinta. Tambe tabata t'ey presente na e apertura tabata presidente di parlamento drs. Paul Croes y tambe alto funcionarionan di gobierno, entre nan Sra. Nicole Hoevertsz. E evento a cum-

insa cu palabranan di bon bini di e directora di ARINA, señora Sharon Erasmus, spliando Arina su tarea pa cu e diversificacion di nos economia y como e catalisado entre sector priva y publico. Siguiyente e logo oficial di ARINA a wordo desvela door di minister Michelle Hooyboer. Winklaar, Mr. Carlos Bronzatto,

director di e World Association of Investment Promotion Agencies y Sra. Sharon Erasmus.

Den e hardin di ARINA, Minister Hooyboer – Winklaar a duna palabranan di bon bini, sigui pa Minister Mike de Meza cu a reitera e importancia pa introduci un Investment Promotion Agency na Aruba. Mr.



Aki ta momento cu sra. Sharon Erasmus, directora di Arina, sr. Carlos Bronzatto, director di WAIPA, Minister Mike de Meza y Minister Michelle Hooyboer-Winklaar, ha haciendo nan acto di entrada den e hardin principal di Arina, pa asina duna nan palabranan di bon bini na esnan presente.

Frendsels Giel, director di AIB Bank, a enfatisa con importante tabata pa establece ARINA, ya cu e atencion y informacion duna na posibel inversionistanan semper tabata hopi fragmenta. Finalmente, Mr. Carlos Bronzatto, di bishita na Aruba, specialmente pa e apertura di Arina, a elogia e iniciativa importante aki di parti di e gobierno di Aruba.

Aruba Investment Agency ta un organizacion cu a wordo instala directamente bou di Minister di Economia, Asuntonan Social y Cultura como e entidad oficial encarga cu e promocion di Aruba como un investment destination, atrayendo inversionistanan pa Aruba, y facilitando e proceso di permiso y establecimiento na Aruba, cu e enfoca riba diversificacion di Aruba su economia. □